

Auf der Rückseite: Nobili viro Georg(io) comiti Veldencie advocato nostro provinciali.

Mit Spuren des rückwärts aufgedrückten Secretsiegels in rothem Wachs in zwei Hälften.

XXIII. Urtheil des Landgerichts zu Fischerhausen im Thurgau über den Verschatz auf dem Rhein. 1311 Juli 31.¹

Or. Reichsarchiv, Lindau Reichsstadt Fasc. 8.
Nach Abschrift von Hermann Herre.

Wir Friderich von Friberg lantrihter von dez Rômeschen kunigez . H. | gewalte in dem Rintale in der Birsse tûgint kunt allen, die disen brief ansehent, lesent oder hörent lesen, daz . Merbot Karle burger ze Lindowe kam fur lantgeriht ze Vischerhusen unde clagete da ze . Eberharte dem Helde burgere ze Rinegge, ze . Herman ze Bertschin, ze . Ulriche den Bensten unde ze der gewistergede, unde clagete ze den von der stette wegen von Lindowe unde von allez dez landez wegen, daz si nament verschatz uf dem Rine, der dem lande ungewonlichen wäre unde och niht reht wäre. Darumbe wart vor lantgeriht ertailt . Merboten dem vorgenanten an der stette von Lindowe stat unde an dez landez stat, mohte er furbringen also reht wäre, daz si niht rehtez hettint ze dem verschatze, daz er dez genusse. Daz brahte er fur, da si baidenthalt stündent vor gerichte mit ir fursprechen, daz weder . Eberhart der Helt noch die Benste noch nieman andere uf dem Rin enhainen verschatz nemen sol von dehainer slahte gûte, wan allaine von trukenem gûte gebundem, daz uber die berge kumet oder dahin gat den Rin uf alde abe, von swelchem lande der ist, der sol geben ie von dem some ainen pfenning Costentzer munse unde anderz niht. Daz brahte er fur mit briefen unde mit der kuntschaft. Darumbe wart . Merbotten unde dem lande ertailt, sit daz der Rin wäre dez richez frigw strasse unde er daz furbrahte also da vor geschriben ist, daz och nieman uf dem Rine furbaz nemen sol wan von trukenem gûte also da vor geschriben stat.

Der brief wart geben vor lantgeriht ze Vischerhusen in dem jare do dâ zale waz von Cristes geburte drwzehen-

1) Siehe schon oben n. IX. Reg. Boica V, 199 zu Juni 28. Gleichfalls gedruckt Wegelin a. a. O. 191 n. 130.